

نه لکي در سعادت ايجون مجديه
يکرمي غروش حسابيله النش
غروشدر

طشره ايجون بوسته احرقي اوله رق
اون بش غروش ضم اولنور

نسخه سي ۴۰ پاره در

محرکات

آبونه اولوق ايستينلر دائره عدليه ده
اداره مخصوصه سنه مراحت
ايتلدر

اعلانك بهرندن بر مجديه اخذ
ابدلور

نسخه سي ۴۰ پاره در

هفته ده ايک دفعه جمعہ ارتسی و چهارشنبه کونلری نشر اولنور . محتوياتی امور عدليه متعلقدر

تَبْلِغَات

فابرقه جي طشاشا کينک کوندوزلر چفتلکي
مرعاسنده بولنان حيواناتک محل مذکور دن اخراجنه
واجر مثل اوله رق التي ليرانک مرقومدن تحصيلنه دائر
کشان قضای بدایت محکمه سي حقوق قسمندن اجرای
موقت قراريني شامل اولوق اوزره وصی يورکينک
استحصال ايلديکي اعلامک تنفيذينه تشبث ايدلمسي
متعاقب ذکر اولنان حيواناتک تکفور طاغنده مقيم
برينه صاتيله رق اليوم انک مالی اولديغنی مزبور
طشاشاکی درميان ايتش ومال قلمی ايله بلديه دن النان
جوابنامه لر مؤداسی دخی بوصورتی مؤيد بولنش
اولديغندن بختله استفسار معامله يي متضمن قضای مزبور
بدایت محکمه سي حقوق رياستدن وارد اولوب انجمن
عدليه حواله قلنان ۲۵ تموز سنه ۳۲۲ تاريخی
شقه اوزرينه سالف الذکر اعلام ابتدائينک مندرجات
حکميہ سي مذکور حيواناتک چفتلک مرعاسندن
اخراجی خصوصنه منحصر اولمسنه و اجرای موقت
قراريني دخی شامل بولمسنه نظراً تأخير معاملات
تنفيذه سي قانوناً غير جائز اولان اعلام مذکورک
متضمن اولديغنی قرار وجهله مذکور حيواناتک
چفتلک مرعاسندن اخراجی صورتيله حکمک تنفيذی
اقتضا ايدده چکنک جواباً رياست مذکوره يه تبليغي
افاده قلمشدر .

مَحَاكِمُ مَقَرَّرَات

محکمه تمیز استدعا دائره سندن تنظيم واعطا
قلنان اعلامدر :

موصل ولايتی مرکز بدایت محکمه سي جزا
دائره سيله هیئت اتهامه سندن لاحق اولان قرارلرک
یکدیگرينه مابین اولمسندن طولانی تعیین مرجع
دعوی طلبی مستدعی ولایت مذکوره استیناف محکمه سي
مدعی عمومیلکی طرفندن ویریلان ۲۷ نیسان سنه

۳۲۲ تاريخی استدعنامه واوراق متفرعه سي باش
مدعی عمومیلک مأموریت بهیه سنک ۶ حزيران سنه
۳۲۲ تاريخی تبليغنامه سيله محکمه تمیز استدعا
دائره سنه توديع اولمغله قرائت ومطالعه اولندی .

اوراق مرقومه مألرینه نظراً اسماعیل بن صالح
اغیه تشهير سلاح ايله قیونلرینی سرقت ایلدکری
ادعاسيله مظنون علیهم اولان حسو بن عباس وفراری
رفقاسنک جنایتله لزوم محاکمه لینه دائر مستنطق
طرفندن ویریلان قرارنامه هیئت اتهامیه جه بالتدقیق
تشهير سلاحک قتل قصدينه مقرونیتی اکلاشیله مدیغندن
قرارنامه مذکورک فسخيله مرقومونک جنحه ايله
لزوم محاکمه لینه دائر اعطا اولنان مضبطه ايله اوراق
دعوی محکمه مذکوره يه توديع ایدیلرک اجرا
ایدیلان تحقیقات ومحاکمه نتیجه سنده مرقومونه اسناد
اولنان جرم معامله جبر وتشهير سلاح صورتيله سرقت
مسئله سي اولوب بوده قانون جزانک اکیوز یکرمی
برنجی ماده سنه موافق افعال جنائیه دن اولوب جرم
مذکورک رؤیت وفصلی محکمه بدایتک صلاحیتندن
خارج بولنديغنه بناءً اوراقنک مستنطقلکه توديعنه
قرار ویرلش ومستنطقلکه جه دخی اولوجهله ویریلان
قرارنامه تکرار هیئت اتهامیه جه بالتدقیق قرار سابق
وجهله ينه جنحه ايله لزوم محاکمه لینه قرار ویرلش
وشو صورتله هیئت اتهامیه ايله محکمه مذکوره
مقرراتی بیننده حاصل اولان اختلافک تعیین مرجع
صورتيله فصلی محکمه تمیزه عائد بولنش اولديغندن
بختله مقتضای قانونسنک ایفاسی بیان واستدعا
ومار الذکر تبليغنامه ده دخی محکمه مذکوره قراری
مضیب وموافق قانون کورنمکه اکا مابین بولنان
مضبطه مذکوره دن قضی لازم که چکی انبا اولمشدر .
ایجابی لدی المذاکره تحقیقات حاضره يه نظراً
فعل واقعک جنایت نوغندن ایدوکی اکلاشديغنه مبنی
محکمه مذکوره دن قراری موافق اصول وقانون اولوب
هیئت اتهامیه دن جنحه يه متدائر قراری یولنیز
کورلدیکندن اصول محاکمات جزائییه قانونک درتیوز
اون سکرنجی ماده سي حکمنه توفیقاً محکمه مذکوره

قراری وجهله ایشای معامله اولوق اوزره اوراق
مرقومه دن هیئت اتهامیه يه توديعنه ۱۹ تموز سنه ۳۲۲
تاريخنده متفقاً قرار ویرلدی .

عبد الوهابک ماده قتلندن دولای جنایتله اتهام
اولنان طاهرک اون بش سنه مدته کورکه قونلسنه دائر
عماره سنجانی بدایت محکمه سي جزا دائره سندن
اعطا قلنان ۱۵۴ نومرولی اعلام

آرپه جي عبدالله بن حسنه قتل قصديه سلاح
انداخت ایلديکي ادعا اولمسندن دولای جنایتله اتهام
اولنان هالیس بن یونسک اوچ سنه مدته کورکه
قونلسنه دائر موصل ولايتی استیناف محکمه سي جزا
دائره سندن اعطا قلنان ۵۵ نومرولی اعلام

مکاره جي هندینک ایشای قطع طریق صورتيله
غصب ایتلرندن دولای جنایتله اتهام اولنان فلاح
جاسم بن حسن ونابل بن محکولک دردرسنه مدتلرله
کورکه قونلرینه دائر بغداد ولايتی استیناف محکمه سي
جزا دائره سندن اعطا قلنان ۶۷ نومرولی اعلام

میخالیجک کیراغاج قریه سي اهالیسندن افسیانک
کیفیت قتلندن دولای جنایتله اتهام اولنان مزبوره دنک
زوجی طاشیوز ولد دیمترینک اون بش سنه مدته
کورکه قونلسنه دائر خداوندکار ولايتی استیناف
محکمه سي جزا دائره سندن اعطا قلنان ۵۴۳ نومرولی
اعلام

صوفیلو قضا سنک چوملکچی قریه سي اهالیسندن
مصطفی اغانک زوجه سي ادیه خاتونی قتل ایلديکي
ادعا اولمسندن دولای جنایتله اتهام اولنان مرقوم
مصطفی اغانک برادری حسن بن شا کرک اون بش
سنه مدته کورکه قونلسنه دائر دده اغاج سنجانی
بدایت محکمه سي جزا دائره سندن اعطا قلنان ۲۸۵
نومرولی اعلام

دیقران سرائیلی جرح ايله تعطیل عضوينه سببیت
ویردیکی ادعا اولمسندن دولای جنایتله اتهام اولنان
هاشم بن شیخ محمد سقانک اوچ سنه مدته کورکه

قولنسه دایر بیروت ولایتی استیفاف محکمه سی جزا
دائره سندن اعطا قنات ۱۲۶ نومروی اعلام
رفیق بن عبد اللهی جرح ایله تعطیل عضوینه
سبیت و پردیکی ادعا اولمسندن دولای جنایتله اتهام
اولان چاقاچی صدق بن شیحجوسک اوج سنه
مدتله کورکه قولنسه دایر دیاربرک ولایتی استیفاف
محکمه سی جزا دائره سندن اعطا قنات ۷۱ نومروی
اعلام

محمد بن حسن افندی ورفقاسنه افترا ایلدیکی
ادعا قلمسندن دولای جنایتله اتهام اولنان مصطفی بن
حسن افندی اوج سنه مدتله کورکه قولنسه دایر
معموره العیز ولایتی استیفاف محکمه سی جزا دائره
سندن اعطا قنات ۱۵۹ نومروی اعلام
دبردنک تره شسته قریه سندن حسن بن عمری
قتل ایلدیکی ادعا اولمسندن دولای جنایتله اتهام اولنان
اسماعیل بن عباسک اون بش سنه مدتله کورکه
قولنسه دایر کورنجه سنجای بدایت محکمه سی جزا
دائره سندن ویرلان ۲۹۲ نومروی اعلام

بوز اوغلی نیقولنیک کیفیت قتلندن دولای
جنایتله اتهام اولنان استیفاف ولد طناشیک اون بش
سنه مدتله کورکه قولنسه دایر ادرنه ولایتی استیفاف
محکمه سی جزا دائره سندن اعطا قنات ۷۰ نومروی
اعلام

زوجه سی فاطمه بی قتل وقائن والدیه سی ظریفی
جرح ایلدیکی ادعا قلمسندن دولای جنایتله اتهام
اولنان احمد بن صالحک اون بش سنه مدتله کورکه
قولنسه دایر قوصوه ولایتی استیفاف محکمه سی جزا
دائره سندن اعطا قنات ۶۹ نومروی اعلام

تحسین افانک زوجیه سی ضرب ایله متأثراً وفاته
سبیت و پردیکی ادعا اولمسندن دولای جنایتله اتهام
اولنان قاسمک اتی سنه مدتله کورکه قولنسه دایر
کولمجنه سنجای بدایت محکمه سی جزا دائره سندن
اعطا قنات ۵۳۳ نومروی اعلام

سبس قضای اها لیسندن عبد الرحمانک کیفیت
قتلندن طولای جنایتله اتهام اولنان عمر بن حسنک
اون بش سنه مدتله کورکه قولنسه دایر قوزان
سنجای بدایت محکمه سی جزا دائره سندن اعطا قنات
۲۰۳ نومروی اعلام

عمر افانک زوجیه سی خیفی ضرب ایله وفاته
سبیت و برمسندن دولای جنایتله اتهام اولنان ابراهیم
بن عبد اللهک بش سنه مدتله کورکه قولنسه دایر
حمید آباد سنجای بدایت محکمه سی جزا دائره سندن
اعطا قنات ۲۱۴ نومروی اعلام

ابوستول اوغلی طناشک ضرباً کفیت قتلندن
دولای جنایتله اتهام اولنان حاجی صابونک اتی سنه
مدتله کورکه قولنسه دایر خداوندکارولایتی استیفاف
محکمه سی جزا دائره سندن ویرلان ۵۲۵ نومروی اعلام
محکمه تمیز جزا دائره سنجیه تصدیق قلمشدر .

درسعادت جنایت محکمه سندن تنظیم واعطا قنات اعلامدر :

اوجیوز یکریمی ایکی سنه سی حزراننک یکریمی
سکزنخی چهارشنبه کیجه سی ساعت بش راده لرنده
قدرغه ده اسعد پهلوانک قهوه خانه سنده شریخی
مصطفانک کیفیت جرح و قتلندن طولای مظلون علیه
بولنان قدرغه ده بوستان علی محله سنده سکزنومروی
خانه ده اقامته قدرغه جاده سنده اتی نومروی دکانده
صوجایق ایدن یکریمی اتی یاشنده آستانه مصطفی
بن محمدک جنایتله اتهامه دایر هیئت اتهامه دن تنظیم
قنات مضطه ایله استیفاف مدعی عمومیلکنک ۲۳

اغستوس سنه ۳۲۲ تاریخ و ۴۱۳ نومروی اتهامه سی
اوراق مفرعه سیله برابر محکمه جنایتله تودیع قلمغه
بالمطالعه تفصیلاتی اولابده طویلان ضبطنامه دن
مستبان اوله جینی اوزره اصول محاکمات جزائی
قانوننک باب نایسننک فصل رابعده محرز اولان
معاملات ابتدائی بعد الایفا متهم مصطفانک اجرای
محاکمه سی ایچون ۳۲۲ سنه سی ایلولنک اون ایکنجی
کونی تعیین قلموب یوم مذکورده متهم مرقوم
علی الاصول توقیفخانه دن کتوردیلرک وکیلی سرور
واستیفاف مدعی عمومیلکی معاوئلرندن عزتلو بهجت
بکر موقع مخصوصلرنده حاضر اولقلری حالده محاکمه
صالونه چیقلدی .

علی هذا محاکمه علته ووجهیه مباشرته متهمک
هویتی لدی التدقیق استیجواب ضبطنامه سنده محرز
اولدینی وجهله تعین ایتدکن و متهم ایله وکیل
مومی ایله اخطارات لازمه قانونیه ایضا قلندقدن
صکره هیئت اتهامیه مضطه سی و اتهامنامه ضبط کاتبی
صائب افندی طرفندن قرائت اولندی .

مضطه ده مظلون علیه قوطوجی مصطفانک
شریحی مصطفای بالهور جرح و قتل ایش اولمسندن
طولای اتهامه اوراق تحقیقه محرز دلایل و امارات
کافی کورلش و حرکتی قانون جزانک یوزتمش دردنجی
ماده سنک فقره اولاسی حکمی مستلزم افعال جنائی دن
بولتمش اولدیغندن اولوجهله جنایتله اتهامه قرار
ویرلدیکی محرز و اتهامنامه ده دخی مرقومک مضطه
مذکوره مندرجاتی وجهله اتهام ایدلدیکی مسطررد .

اتهامنامه نک خلاصه سی . جانب ریاستدن متهم
مصطفایه نفهم و توضیح و معاون مومی ایله جانبدن
دخی دعوانک تشریح اولمسنی معقب متهم مرقوم
سولتدرلرکده هیچ برشیدن معلوماتی اولدیغنی یاد
ولدی الاستیضاح مقتولی محله سنده ساکن اولمق
مالسه سیله طانور و کندوسنک چقدیغنی قهوه خانه ده
اوطورر ایدوکنی و کندوسیه کورشمز اولدیغنی
برکونه نازعه لری سبق ایتدکنی ووقعه کیجه سی
مقتول ایله برابر اوطورمدقلربی و کندوسی ساعت
درده بشه قدر دستکاهی باشنده بولنوب واول صرده ده
وقوعبولان قتل کورمیوب اثقی فرداسی ایشتدکنی
و مستطقه پاره ویرمه کی برسوز سولیدکنی
و چقمش اولدقلری قهوه خانه اسعد پهلوانک اولدیغنی
ایراد ایلدی .

بونک اوزرنیه مقتولک مستطق طرفندن ضبط
اولنان افاده سیله ضابطه عدلیه تقریری و طیب راپوری
اوقوتد برلدی .

مقتولک افاده سنده وقعه کیجه سی قوطوجی مصطفی
اسعد پهلوانک قهوه خانه سی اوکنده شربت صامقده
و کندوسی دخی اوراده خدمت الیکده اولدیغنی
صرده ده قوطوجی مصطفی کندوسنه ساقه سکرایه مخل
ناموس سوز سولسی و کندوسیده اولبوله مقابله ایسی
اوزرنیه حامل اولدیغنی بیخافه صول قالمه سندن جرح
ایلدیکنی واره لرنده برکونه اثر خصومت بولمیوب
جرحک قهوه خانه ده جراق بولنان نشسته تسلطه قیام
ایده جکنی افاده ایسی و کندوسیده اولر دیشی
خصوصلرندن منبع اولدیغنی تعیین ایش و ۲۸
حزیران سنه ۳۲۲ تاریخ اولان ضابطه تقریرنده
دخی اشبو چهارشنبه کیجه سی ساعت بش راده لرنده
شریحی مصطفانک اسعد پهلوانک قهوه خانه سی اوکنده
جرح ایدلدیکنک استیجار قلمسی اوزرنیه تحقیقات
لازمه به بالتوسل مجروح مرقوم استیجواب اولندقدنه
مذکور قهوه خانه نک اوکنده ساعت درت بحقده
قوطوجی مصطفی و داود و عثمان ایله برلکده اوطوروب
عشرت ایتدکده اولدقلری اثناده قوطوجی مصطفی
پیکده یاتمقده بولنان شاب امرد نشسته تسلط ایده جکنی
افاده ایسی اوزرنیه کندوسی عیدر دیشیه حامل
اولدیغنی بیخافه صول قالمه سندن جرح ایلدیکنی و جارج
مرقوم دخی استیجوابنده کیجه ساعت درت بئغه
قدر شربت و صو صاوب خانه سنه کیتدیکنی و جرحدن
خبری اولدیغنی کی مجروحی دخی کورمدیکنی و نشئت
اوقو اره سنده امان دیو برصدا ایشتمی اوزرنیه
قالتوب باقدیغنده شریخی مصطفانک یره دوشمش
و داود و عثمان طرفلرندن خانه سنه کورتولش اولدیغنی

و داود و عثمان دخی جارحک قوطوجی مصطفی اولدیغنی
سولیدکری اشعار وراپورده دخی مجروح مصطفی
معاینه اولندقدنه الب قاطعه ایله حاصل صول فخذی
لک علویسی و وحیسنده اوج ساتیمترو طولنده
عمق عضلات درونه قدر برعدد جرحه کورلش
ومذکور جرحه سی نتیجه سی انتاق عقیدن وفات
ایلدیکی ازیار قلمشدر .

قرائت اولنان افاده و تقریر وراپور مندرجانه
قرشونه دیه جکی متهمدن صورلدقدنه خبرم یوق
جوابی اندی .

مدعی عمومیلک مقامندن معطی شهود بوصله سنده
اسامیسی محرز اولوب دعوت واقعه یه بناء ورود
ایتدکری خبر ویرلان شاهدلر یکان یکان حضور
محکمه یه چیقاریلرک لدی السؤال طرفینه قرابت
و مناسبت و خصوصتاری اولدیغنی سوللریله علی الاصول
تحایف لری بعد الاجرا مفرداً و مواجعه استماع
اولندقلرنده بوللردن قدرغه ده اسعد پهلوانک
قهوه خانه سی اوستنده کی اوطه ده اقامته اوقاف هاپون
نظارت جلیه سی محکمه تقیش قلمسند قهوه سی
ایدوکنی سولیلان یکریمی سکزن یاشنده اکیلی داود
بن حسن وقعه کیجه سی مشتریلر قهوه خانه دن
طاغلدقدن صکره کندوسی اوطه سنه چیقوب مدت
مرورنده شریخی مصطفانک آه دیو فریادخی ایشتمی
معقب قهوه سی عثمان اوطه سنه کله رک و مصطفی اورلش
یانبور دیهرک کتیمسیه کندوسی دخی اشانی اینهرک
باقدیغنده شریخی مصطفانک بیخافندن مجروح اولدیغنی
حاله یاتمقده اولدیغنی کورمسیه نه اولدیغنی صوردیغنده
بنی قوطوجی مصطفی اوردی دیدیکنی و اوصرده اوج
ادیم ایلروده حاضر بولنان متهمک مجروحه قارشو جواباً
قبادیسک دیدیکنی اخبار ولدی الاستیضاح وقعه
کیجه سی هیچ برنده قاکورمدیکنی و بشقه وقت نازعه
ایتدکری مشاهده ایددیکنی و متهم ایله مقتول دائماً
قهوه خانه ده اوطوررلر کوریشیرلر ایدوکنی بیلدیکنی
و متهمک استیجوابنده حاضر بولندیغنی و نشسته تسلط
ماده سندن ده معلوماتی اولدیغنی علاوه نذکار ایلدی .

محل مذکورده اسعد پهلوانک قهوه خانه سنده
قالفه اولدیغنی سولیلان یکریمی اتی یاشنده رفاهیلی
عثمان بن حسن دخی وقعه کیجه سی مشتریلر کپتدکن
صکره باقدیغنده مجروح مصطفی امان عثمان اغا قالق
بنی قوطوجی مصطفی اوردی دیشیه باقمقده یاتمش
اولدیغنی محلدن قالمه قرق باقدیغنده مجروح ایله جارح
مصطفی ایاقدنه طورمقده ایدوکنی و مجروحک تکرار
امان بنی اوه کوتور قوطوجی مصطفی اوردی دیو
سولیدیکنی و متهمده اوراده حاضر اولوب جواباً
کندی کندی اوردی دیدیکنی یاد و عند الاستیفسار
برائنه .

قهوه خانه نک باقمیسی جاده اوزرنده ایدوکنی و شهادتی
حاضر بالحاکمه بولنان متهم حقده ایدوکنی علاوه ایراد
ایلدی .
دائره عدلیه ده مستخدم و شهر امینده ساکن
اولوب ۳ نومروده مقید بولنان پولیس نفری اونوز
یاشنده آستانه لی عادل افندی ابن محمد متهمی بامذکره
دائره استیطاقک موقوفینه مخصوص اولان محله
کوتوردیکسند متهم مرقوم ایشم خفیف صورنده
چیقاریلور ایسه مستطقه اون بش لیرا ویرم کیت
خبر ویردیکنی و هانکی ایشدن طولای پاره ویره جکنی
صوردیغنده شریخی مصطفای جرح ایشم اولمسندن
طولای ویره جکنی سولیدیکنی استیطاقه موافق
صورنده دره بان ایلدی .

محل مذکورده اسعد پهلوانک قهوه خانه سی
اوستنده کی اوطه ده اقامته دائره مالیه ده شریخیلک
ایتدیکنی سولیلان اون طقوز یاشنده برزینلر رمضان
بن حسن دخی شاهد عثمان بن حسینک افاده سنه
موافق و افاده مضبوطه استیطاقه سنه مطابق صورنده
بیان حال ولدی الاستیضاح کرک مجروحده و کرک
متهمده بیخاق کورمدیکنی و عشرت ایتدکلرندن
معلوماتی اولدیغنی کی اغرنی دخی قوقلامدیغنی و کیجه
اولمق مالسه سیله متهمک و جهنده بوزوقلق اولدیغنه
دقت ایتدیکنی و متهم خانه سنه عودت ایدرکن عادتا
کیتدیکنی و متهمک مرکزده و استیجوابنده حاضر
بولندیغنی و مجروح متهمک یوزنه قارشو بنی قوطوجی
مصطفی اوردی دیدیکنی زمان متهم اوراده بولنوب
جواباً کندی کندی اوردی دیو سولیدیکنی علاوه
درمیان ایلدی .

استماع اولنان شهودک افاداتی ختام بولدقه ذات
و شهادت لرینه قارشو نه دیه جکی متهمدن صورلدقدنه
جرح ماده سندن معلوماتی اولمیوب اثقی فرداسی
ایشتدیکنی و مقتل دنیلان محل غلبه نک اولدیغندن
کیفیتی داود و عثمان و رمضانن بشقه کسنه لرک دخی
ایشتمی لازم کله جکندن و اون بش لیرا ماده سندن
طولای عادل افندی خلاف سولیدیکندن شهادت
واقعه یی قبول ایتیه جکنی سولیدی .

(مابعدی کله جک نسخه یه)

رنخیر عثمانک عبدالرحیمه مخل ناموس سوز
سولیدیکنی ثابت اوله میان رنخیر عثمانک برائنه
کبار افانک قارایه صارقدیق ایتدیکنی ثابت
اوله مدیغندن برائنه
حسنک مولودی ضرب ایلدیکی ثابت اوله مدیغندن
برائنه .

قایقچی محمدی ضرب ایدن قایقچی ارون لویدن
برالتون الهرق مدعی به اعطاسنه
رقیه قادیی ضرب ایدن نیحیک اون کون مدتله
حبسنه

حامدی ضرب ایتدیکنی ثابت اولان لازاریدن بر
التون الهرق مدعی به اعطاسنه

عمری ضرب ایتدکری ثابت اولان رضا ایله
شریفک برر هفته حبسلریه

ماری ایله قانی به حرف اندازلق ایتدیکنی ثابت
اولان احمدک اون کون مدتله حبسنه

شریفه به اطاله لسان ایدن آرامک اوج کون
مدتله حبسنه

غورلی جرح ایتدیکنی ثابت اولان نیقولیدن
برالتون الهرق مدعی به اعطاسنه

یکدیگرکی ضرب ایتدکری ادعا قنات اورام
وخام و یاشوده ن اورامک اشبو حرکتی ثابت اولمامغه
برائنه و خام و یاشوده نک ثابت اولمغه برر هفته مدتله
حبسلریه

بعض مخدراته صارقدیق ایتدیکنی ثابت اولان
خالدک برما مدتله حبسنه

علی ضرب ایتدیکنی ثابت اولان پولیس هدایت
افندیک اون کون مدتله حبسنه

اسماعیلی ضرب ایتدیکنی ثابت اولان محمددن
برالتون الهرق مدعی به اعطاسنه

واسیلی ضرب ایتدیکنی ثابت اولان فائق افندیدن
برالتون الهرق مدعی به اعطاسنه

بانده لی ضرب ایتدیکنی ثابت اولان یواندن
برالتون الهرق مدعی به اعطاسنه

مصطفی افندی به حقارت ایتدیکنی ثابت اولان
حسندن یارم التون جزای تقدی اخذینه

شاهین خاتمه اطاله لسان ایتدیکنی ثابت اولان
پنه خاتمدن یارم التون جزای تقدی اخذینه

بکرک عبدالرحمنی ضرب ایتدیکنی ثابت اولدیغندن
برالتون التوب مضروب ویرلسنه

فائزی ضرب ایتدیکنی ثابت اولان علینک برهفته
حبسنه

جیل افندینک بنایوطی ضرب ایتدیکنی ثابت
اولدیغندن ایکی التون التوب مجروح ویرلسنه

محمد رشیدی ضرب و جرح ایتدیکنی ثابت اولان
حاجی سیدک اون بش کون حبسنه

رجی جرح ایتدیکنی ثابت اولان شرفک اون
کون حبسنه

عبد اللهی ضرب ایدن احمددن برالتون التوب
مضروب ویرلسنه

عمر و بکر و اسماعیل یکدیگرینی ضرب و جرح
ایتدکاری ثابت اولدیغندن مرقومونک اون بشر کون
حبسلینه

محمد اغانک قیونتی اخذ و سرقت ایدن خالده برماه
مدتله حبسینه

خچیکک پاره سنی اخذ و سرقت ایدن یا تقونک
اوج ماه حبسینه

آرونک اموالی اخذ و سرقت ایدن نسیمک اوج
ماه حبسینه

یکدیگرینی ضرب و جرح ایدن مصطفی و حسن
وحسیندن مصطفانک سابقه لی بولمنسی حبسیله یکریمی
کون و دیگرلرینک اون بشر کون حبسلینه

رسولک جا کتیه توتون طبقه سنی اخذ و سرقت
ایدن عثمانک اوج ماه حبسینه

علی چاوشک پاره چانطه سنی اخذ و سرقت ایدن
یونانی انطونیونک اوج ماه حبسینه

بایزاری ضرب ایدن اغیانک بر هفته حبسینه
در سعادت ، بک اوغلی واسکدار بدایت محاکمی جزا
دائرة لرینجه قرار ویرلشد

مُجَازِمَاتُ اِنْدِ بَاهِیَّه

مجید اوزی قضاسی بدایت محکمه سی اعضای
سابقه سندن نشان و مستنطق معاونی عثمان و مدعی
عمومی معاونی وکیلی جمال افندیلر ایله جراح وکیلی
اسماعیل اغانک وظیفه قانونیه لرینی سوء استعمال
ایلدکاری سیواس ولایتی استیفاف محکمه سی مدعی
عمومیلکندن وارد اولان اوراق تحقیقیه محتویاتندن
اکلاشلمسینه مبنی دیگرلری حقنده توحیداً اجرای
تعقیبات اولمق اوزره مومی الیه نشان افدینک محاکمه
الته التمسینه عدلیه نظارت جایله سندن مأذونیت
ویریلهرک مذکور مدعی عمومیلکه تبلیغات مقتضیه
ایفا قلمشدر .

اِخْلَافَات

نجات بریه محکمه سنده :

استانبولده چارشوی کیرده قزازلر زقاغنده بر
نومرولو دکانده ساکن ایکن تجارت بحریه محکمه
سندن افلاسه حکم اولمش اولان واسیل و اسیلیانک
خصوصات افلاسه سنک رؤیت و تسویه سی ضمننده
دعوی وکیلی پوزانت ترزبان افندی اصالة سنندیک

تعین قلمش اولدیغندن مفلس مرقوم ذمتنده الهجفی
اولانلرک قانوننامه تجارتک ۱۹۹ و ۲۰۰ نجی ماده لری
موجبجه تحقیق دیون ایچون تاریخ اعلاندن اعتباراً
یکرمی بر کون ظرفنده سنداتی محکمه کابنه تسلیم
ایلملری ومدت مذکوره ختامندن صکره اوج کونده
یعنی ۳۲۲ سنه سی کانون ثانیسنک ۱۳ نجی جمعیار تسی
۱۵ نجی بازار ایتسی و ۱۶ نجی صالی کونلری تجارت
بحریه محکمه سنک مصالح افلاسیه رؤیته مخصوص
اوطه سنه کله رک سنندیک افندی مواجهه سنده آله
جقلملری اثبات وقید و تصدیق ایتدیرملری ومدت
مذکوره ده اثبات وجود ایده میان آله جقلملر حقنده
قانون مذکورک ۲۱۰ نجی ماده سنه توفیقاً ایفای معامله
اولنهجفی اعلان اولنور .

یکی قپوده حطب تجارتیه مشغول ایکن تجارت
بحریه محکمه سندن افلاسه حکم ایدلمش اولان مولود
اغا ذمتنده الهجفی اثبات و یاموقه قبول وقید ایتد
یرمش اولان آله جقلملرک قانوننامه تجارتک ۲۱۱ نجی
و آتی ولی ایدن ماده سی موجبجه مفلس طرفندن
تکلیف اولنهجق قوتقور داتونک مذاکره سی ایچون
اشبو اوجوز یکریمی ایکی سنه سی کانون ثانیسنک
دردنجی پنجشنبه کونی محکمه مذکوره نک مصالح
افلاسیه رؤیته مخصوص اوطه سنه کللری اعلان
اولنور .

قومقپوده آتمکچی فرونده ساکن ایکن تجارت
بحریه محکمه سندن افلاسه حکم اولمش اولان آتمکچی
قسطنطین قره دینک ذمتنده الهجفی اثبات و یاموقه قبول
وقید ایتدیرمش اولان الهجقلملرک قانوننامه تجارتک
۲۱۱ نجی و آتی ولی ایدن ماده سی موجبجه مفلس
طرفندن تکلیف اولنهجق قوتقور داتونک مذاکره سی
ایچون کانون ثانیسنک التتجی جمعیار تسی کونی محکمه
مذکوره نک مصالح افلاسیه رؤیته مخصوص اوطه سنه
کللری اعلان اولنور .

اسکدار بدایت محکمه سی اجرا دائره سنده :

مالیه خزینه جلیله سنک طومه جان ورثه سندن
اغوب و ماردیروس و اوسب و قزی تقوهی ایله عثمان
وخلیل رمزی و حاجی شکری ورشید و ادهم و قره بت
و اغوب و قسطنطین و سبوح افندیلر ذمتلرنده در سعادت
بدایت محکمه سی ایکنجی حقوق دائره سی اعلامیه
الهجفی اولان اچقه نک تأمین استیفاف سی ایچون محجوز
بولنان مرقوم طومه جان ورثه سنک متصرف اولدقلری
اسکدارده بازار باشی محله سنده باغلر باشنده نوح قیوسی

جاده سنده یوزاون سکر نومرو ایله مرقم معلوم الحدود
چیچکچی غازیوسی دیمکله معروف مع مشتملات
برباب غازیو بوندن اقدام موقع مزایده قوناشیدی
قانوناً اجرا واکال ایدیلان مدت مزایده ده مذکور
غازیو عثمانلی لیراسی یوز غروش حسابیه قرق بیک
غرو شده طالبی عهده سنده تقرر ایدرک قرار قطعیسی
ویرلمش اولدیغندن سکر کونه قدر یعنی کانون ثانی
رومینک ایکسندن اعتباراً طقوزنجی صالی کونه قدر
دفتر خاقانی نظارت جایله سنه کیدرک تقریر ویرلمک
اوزره دائره اجرایه کللری و بومدت ظرفنده دائره
مراجعت و قوعبولمدینی حالده تقریر ویرمکدن امتناع
ایتمش عد اولنهرق ورثه مرقومه نک رضاسنه و تقریرینه
باقلمقسزین فراغ معامله سنک اجرا ایتدیریله جکچی
میین تنظیم قلنان اخبار نامه ورثه مرقومه نک
اقامتگاهلرینک الیوم مجهول بولمنسی حبسیله ورثه
مرقومه یه تبلیغ ایدلمش عد اولمق اوزره اسکدار
بدایت محکمه سی اجرا دائره سی دیوانخانه سنه تعلیق
قلندی کبی غزته لرله دخی اعلانه ایتدار قلندی .

قرتال قضاسی بدایت محکمه سی اجرا دائره سنده :

قرتال قصبه سنده مقیم عساکر بحریه شاهانه
ملازملرندن مصطفی افندی ابن احمدک پدری ادرنه
ولایتی داخنده کوملجنه سنجاغنه مربوط قوش قواق
قضاسنک اطه بالا قریه سنده مقیم ژاندارمه ملازمی
احمد افندی ذمتنده الهجفی اولان مبالغ معلومه نک
تأمین استیفاف ایچون مدیون مومی الیهک مالی اولوب
دینی مقابلنده مخدومی مومی الیه مصطفی افندی یه
مرهون بولنان قرتال قصبه سنده جایرلر موقعنده
طرفلری واسیلاکی و لیغور و قونوز آرتین باغی وطریق
عام ایله محدود سلطان اورخان و قفی مستغلاتندن برقطعه
و چقال تپه ده طرفلری حسن و چاقر محمد و حسین
باغی وطریق ایله محدود یدی دوم برقطعه و صواقلرده
طرفلری فابریقه جی دیمتری و جانبندن اوغللری و دره
وطریق ایله محدود یدی دوم عتیق ایکی دوم اون
درت اولک اوتوز بش آرشون مربع جدید برقطعه که
جمعاً اوج قطعه ترلا ایله چقال چشمه ده طرفلری
سرکزباغی و مانوق ترلاسی و کراغوز جایری وطریق
ایله محدود برقطعه باغک تاریخ اعلاندن اعتباراً اون
بش کون صکره بالمزایده فروخته تثبث اولنهجفی
قرتال قضاسی بدایت محکمه سی اجرا دائره سندن
اعلان اولنور .